

Na osnovu čl. 35. i 37. Zakona o izvršavanju Budžeta Federacije Bosne i Hercegovine za 2020. godinu („Službene novine Federacije BiH“, broj 99/19), na prijedlog Federalnog ministarstva obrazovanja i nauke, Vlada Federacije Bosne i Hercegovine na 209. sjednici, održanoj 06.02. 2020. godine, d o n o s i

**O D L U K U**  
**O USVAJANJU PROGRAMA UTROŠKA SREDSTAVA S KRITERIJIMA**  
**RASPODJELE SREDSTAVA TEKUĆIH TRANSFERA UTVRĐENIH**  
**BUDŽETOM FEDERACIJE BOSNE I HERCEGOVINE ZA 2020. GODINU**  
**FEDERALNOG MINISTARSTVA OBRAZOVANJA I NAUKE**

**I**

Usvaja se Program utroška sredstava za: „Transfer za implementaciju Bolonjskog procesa“, ekonomski kod 6141; „Transfer za finansiranje obrazovanja“, ekonomski kod 6141; „Transfer za finansiranje studentskog standarda“, ekonomski kod 6141; „Transfer za Fond za studentske zajmove“, ekonomski kod 6143; „Transfer za oblast nauke od značaja za Federaciju BiH“, ekonomski kod 6143, „Transfer za institucije nauke i podsticaj NiR od značaja za Federaciju BiH“, ekonomski kod 6143; „Transfer za institucije nauke i kulture od značaja za BiH“, ekonomski kod 6143 i „Transfer za Fondaciju za mobilnost studenata i nastavnika“, ekonomski kod 6143, s kriterijima raspodjele sredstava tekućih transfera Federalnog ministarstva obrazovanja i nauke, utvrđenih u razdjelu 54. Budžeta Federacije Bosne i Hercegovine za 2020. godinu („Službene novine Federacije BiH“, broj 99/19), kako slijedi:

**P R O G R A M**  
**UTROŠKA SREDSTAVA S KRITERIJIMA**  
**RASPODJELE SREDSTAVA TEKUĆIH TRANSFERA UTVRĐENIH**  
**BUDŽETOM FEDERACIJE BOSNE I HERCEGOVINE ZA 2020. GODINU**

**1. PROGRAM RASPODJELE SREDSTAVA TRANSFERA ZA IMPLEMENTACIJU BOLONJSKOG PROCESA U IZNOSU OD 200.000,00 KM**

R.br.	Naziv programa	Korisnik sredstava	Visina sredstava
1.	Podrška javnim visokoškolskim ustanovama za projekte osiguranja kvaliteta studijskih programa na prvom i drugom ciklusu studija	Univerzitet u Sarajevu, Sveučilište u Mostaru, Univerzitet u Tuzli, Univerzitet u Zenici, Univerzitet u Bihaću i Univerzitet „Džemal Bijedić“ u Mostaru	84.000,00
2.	Podrška javnim visokoškolskim ustanovama za projekte povezivanja s potrebama tržišta rada za studijske programe prvog i drugog ciklusa studija	Univerzitet u Sarajevu, Sveučilište u Mostaru, Univerzitet u Tuzli, Univerzitet u Zenici, Univerzitet u Bihaću i Univerzitet „Džemal Bijedić“ u Mostaru	105.000,00

## **1. Podrška javnim visokoškolskim ustanovama za projekte osiguranja kvaliteta studijskih programa na prvom i drugom ciklusu studija**

### **Svrha programa:**

Podrška reformi visokog obrazovanja kroz realizaciju projekata osiguranja kvaliteta studijskih programa na prvom i drugom ciklusu studija, a koji su od značaja za implementaciju Bolonjskog procesa i usklađeni s prioritetima *Strateških pravaca razvoja visokog obrazovanja u Federaciji BiH za period 2012-2022. godina*, u skladu s usvojenim dokumentom Prioriteti za razvoj visokog obrazovanja u BiH 2016-2026. godina.

### **Izvori sredstava:**

Budžet Federacije Bosne i Hercegovine za 2020. godinu („Službene novine Federacije BiH“, broj 99/19).

### **Kriteriji za raspodjelu sredstava:**

Sredstva za sve javne visokoškolske ustanove (univerzitete) bit će dodijeljena linearno u jednakim iznosima.

Sredstva će se dodjeljivati na osnovu ugovora koje će Federalno ministarstvo obrazovanja i nauke potpisati sa korisnicima sredstava u trećem kvartalu 2020. godine.

Nadležna tijela korisnika sredstava, samostalno, u skladu sa vlastitim strateškim opredjeljenjima i razvojnim potrebama u 2020. godini te zakonskim propisima i specifičnostima svakog od navedenih programa odlučuju o utrošku dodjeljenih sredstava.

Sredstva se mogu namjenski utrošiti za projekte podrške osiguranja kvaliteta studijskih programa na prvom i drugom ciklusu studija na javnim visokoškolskim ustanovama, a koji su od značaja za implementaciju Bolonjskog procesa, i usklađeni s prioritetima *Strateških pravaca razvoja visokog obrazovanja u Federaciji BiH za period 2012-2022. godina* i *Reformskom agendom za BiH za period 2015-2018. godina*, što će biti definirano ugovorom.

Korisnici sredstava će podnijeti izvještaj s dokazima o namjenskom utrošku sredstava i ostvarenim efektima ulaganja.

Dodijeljena sredstva se ne mogu koristiti za finansiranje plaća i naknada zaposlenih ili vanjskih saradnika, isplatu honorara i sličnih naknada, odnosno pokriće režijskih i drugih troškova koji proističu iz redovnog poslovanja ustanove.

Finansijska podrška dodjeljivat će se odlukom federalne ministrice obrazovanja i nauke, na prijedlog posebno formirane komisije i Stručnog kolegija Ministarstva, a na osnovu primljenih zahtjeva javnih visokoškolskih ustanova u Federaciji BiH.

## **2. Podrška javnim visokoškolskim ustanovama za projekte povezivanja s potrebama tržišta rada za studijske programe prvog i drugog ciklusa studija**

### **Svrha programa:**

Podrška reformi visokog obrazovanja kroz osiguranje kvaliteta studijskih programa i projekte povezivanja s potrebama tržišta rada, koji su usklađeni s prioritetima *Strateških pravaca razvoja visokog obrazovanja u Federaciji BiH za period 2012-2022. godina* i *Reformskom agendom za BiH za period 2015-2018. godina*.

### **Izvori sredstava:**

Budžet Federacije Bosne i Hercegovine za 2020. godinu („Službene novine Federacije BiH“, broj 99/19).

**Kriteriji za raspodjelu sredstava:**

Sredstva za sve javne visokoškolske ustanove (univerzitete) bit će dodijeljena linearno u jednakim iznosima.

Sredstva će se dodjeljivati na osnovu ugovora koje će Federalno ministarstvo obrazovanja i nauke potpisati sa korisnicima sredstava u trećem kvartalu 2020. godine.

Nadležna tijela korisnika sredstava, samostalno, u skladu sa vlastitim strateškim opredjeljenjima i razvojnim potrebama u 2020. godini te zakonskim propisima i specifičnostima svakog od navedenih programa odlučuju o utrošku dodjeljenih sredstava.

Sredstva se mogu namjenski utrošiti za projekte osiguranja kvaliteta studijskih programa i projekte povezivanja s potrebama tržišta rada, a koji su od značaja za implementaciju Bolonjskog procesa, i usklađeni s prioritetima *Strateških pravaca razvoja visokog obrazovanja u Federaciji BiH za period 2012-2022. godina* i *Reformskom agendom za BiH za period 2015-2018. godina*, što će biti definirano ugovorom. Korisnici sredstava će podnijeti izvještaj s dokazima o namjenskom utrošku sredstava i ostvarenim efektima ulaganja.

Dodijeljena sredstva se ne mogu koristiti za finansiranje plaća i naknada zaposlenih ili vanjskih saradnika, isplatu honorara i sličnih naknada, odnosno pokriva režijskih i drugih troškova koji proističu iz redovnog poslovanja ustanove.

Finansijska podrška dodjeljivat će se odlukom federalne ministrice obrazovanja i nauke, na prijedlog posebno formirane komisije i Stručnog kolegija Ministarstva, a na osnovu primljenih zahtjeva javnih visokoškolskih ustanova u Federaciji BiH.

R.br.	Naziv programa	Korisnik sredstava	Visina sredstava
3.	Sredstva rezervi za interventne potrebe u oblasti implementacije Bolonjskog procesa	Javne visokoškolske ustanove	11.000,00

**3. Sredstva rezervi za interventne potrebe u oblasti implementacije Bolonjskog procesa****Izvori sredstava:**

Budžet Federacije Bosne i Hercegovine za 2020. godinu („Službene novine Federacije BiH“, broj 99/19).

**Kriteriji za raspodjelu interventnih sredstava:**

- Podrška projektima koji nisu obuhvaćeni, odnosno predviđeni navedenim programima, a od značaja su za implementaciju Bolonjskog procesa i *Strateških pravaca razvoja visokog obrazovanja u Federaciji BiH za period 2012-2022. godina*;
- Podrška projektima čijim će finansiranjem biti ostvarena regionalna zastupljenost.

Sredstva rezervi za interventne potrebe u oblasti implementacije Bolonjskog procesa dodjeljuje federalna ministrica obrazovanja i nauke svojom odlukom, na prijedlog Sektora za visoko obrazovanje, a po pristiglim zahtjevima.

## 2. PROGRAM RASPODJELE SREDSTAVA TRANSFERA ZA FINANSIRANJE OBRAZOVANJA U IZNOSU OD 1.900.000,00 KM

R.br.	Naziv programa	Korisnik sredstava	Visina sredstava
1.	Nabavka besplatnih udžbenika	Učenici trećih i četvrtih razreda devetogodišnje osnovne škole, prvenstveno oni koji su u stanju socijalne potrebe	500.000,00

### 1. Nabavka besplatnih udžbenika

#### Svrha programa:

Podrška školovanju učenika trećih i četvrtih razreda devetogodišnjeg osnovnog obrazovanja, prvenstveno onih koji su u stanju socijalne potrebe. Svrha je osigurati besplatno osnovno obrazovanje u skladu sa članom 16. Okvirnog zakona o osnovnom i srednjem obrazovanju u Bosni i Hercegovini („Službeni glasnik BiH“, broj 18/03), kojim se definiše da je osnovno obrazovanje obavezno i besplatno za svu djecu. Na ovaj način omogućava se učenicima iz socijalno ugroženih kategorija pohađanje nastave pod jednakim uslovima kao i drugim učenicima. Principi obrazovanja bez diskriminacije, obrazovanja za sve i osiguranje jednakih mogućnosti pristupa obrazovanju upravo se opredmećuju ovim projektom te se učenicima iz socijalno ugroženih kategorija omogućuje pohađanje nastave pod jednakim uslovima kao i drugim učenicima.

#### Izvori sredstava:

Budžet Federacije Bosne i Hercegovine za 2020. godinu („Službene novine Federacije BiH“, broj 99/19).

#### Kriteriji za raspodjelu sredstava:

- Nabavka besplatnih udžbenika za učenike trećih i četvrtih razreda devetogodišnjeg osnovnog obrazovanja, prvenstveno za one koji su u stanju socijalne potrebe na području cijele Federacije BiH, odnosno svih deset kantona;
- Nabavka besplatnih udžbenika će se realizirati u saradnji sa kantonalnim ministarstvima nadležnim za oblast obrazovanja;
- Sredstva za realizaciju ovog projekta će se uplatiti kantonalnim ministarstvima nadležnim za oblast obrazovanja;
- Kantonalna ministarstva će, u skladu sa dodijeljenim sredstvima, pravovremeno izvršiti nabavku udžbenika od ovlaštenih izdavačkih kuća, te izvršiti distribuciju istih učenicima trećih i četvrtih razreda devetogodišnje osnovne škole, prvenstveno onim koji su u stanju socijalne potrebe;
- Visina dodijeljenih sredstava će se odrediti uzimajući u obzir broj učenika koji će pohađati treći i četvrti razred osnovne škole u školskoj 2020/2021. godini, te socijalno-ekonomsko stanje kantona, kao korektivni faktor povećanja pripadajućih sredstava izračunatih na osnovu ukupnog broja učenika (Bosansko-podrinjski kanton Goražde, Posavski kanton i Kanton 10);
- Sa kantonalnim ministarstvima nadležnim za oblast obrazovanja će se sklopiti ugovori o realizaciji projekta nabavke besplatnih udžbenika za učenike trećih i četvrtih razreda devetogodišnjeg osnovnog obrazovanja, prvenstveno za one koji su u stanju socijalne potrebe;
- Kantonalna ministarstva nadležna za oblast obrazovanja koja ne prihvate realizaciju projekta nabavke besplatnih udžbenika za učenike trećih i četvrtih razreda devetogodišnjeg osnovnog obrazovanja, prvenstveno za one koji su u stanju socijalne potrebe, odnosno ne prihvate sklapanje ugovora iz prethodnog stava, bit će izuzeta iz raspodjele sredstava.

R.br.	Naziv programa	Korisnik sredstava	Visina sredstava
2.	Podrška školovanju djece romske nacionalnosti	Učenici romske nacionalnosti	180.000,00
3.	Podrška najboljim učenicima javnih osnovnih i javnih srednjih škola u Federaciji BiH	Najbolji učenici javnih osnovnih i javnih srednjih škola, preduzeća i druga lica za troškove organizacije manifestacije	
4.	Podrška bibliotekama osnovnih škola u nabavci školske lektire	Javne osnovne škole	

## 2. Podrška školovanju djece romske nacionalnosti

### Svrha programa:

Kroz jednokratnu novčanu podršku odličnim učenicima romske nacionalnosti podržati njihovo redovno pohađanje nastave, dobre rezultate u učenju i ohrabriti ih za nastavak školovanja i sticanje kvalifikacije.

### Izvori sredstava:

Budžet Federacije Bosne i Hercegovine za 2020. godinu („Službene novine Federacije BiH“, broj 99/19).

### Kriteriji za raspodjelu sredstava:

- Dodjela jednokratne finansijske podrške učenicima romske nacionalnosti;
- Podrška se dodjeljuje učenicima romske nacionalnosti koji u javnim osnovnim i javnim srednjim školama ostvare odličan uspjeh u školskoj 2019/2020. godini;
- Ovaj program će se realizirati kroz jednokratnu finansijsku podršku na osnovu dostavljenih podataka od strane kantonalnih ministarstava nadležnih za oblast obrazovanja;
- Iznos jednokratne finansijske podrške učenicima romske nacionalnosti će zavisiti od broja učenika koji ostvare pravo na finansijsku podršku, uzimajući u obzir raspoloživa sredstva za ove namjene.

## 3. Podrška najboljim učenicima javnih osnovnih i javnih srednjih škola u Federaciji BiH

### Svrha programa:

Promocija i pružanje podrške najboljim učenicima javnih osnovnih i javnih srednjih škola u Federaciji BiH.

### Izvori sredstava:

Budžet Federacije Bosne i Hercegovine za 2020. godinu („Službene novine Federacije BiH“, broj 99/19).

### Kriteriji za raspodjelu sredstava:

Raspodjela sredstava će se izvršiti na osnovu prijedloga kantonalnih ministarstava nadležnih za oblast obrazovanja u Federaciji BiH. Kantonalna ministarstva nadležna za oblast obrazovanja dužna su Federalnom ministarstvu obrazovanja i nauke predložiti po šest učenika, i to tri najbolja učenika iz javnih osnovnih škola i tri najbolja učenika iz javnih srednjih škola, koje će odabrati na osnovu sljedećih kriterija:

- Uspjeh u učenju;

- Uspjeh u vannastavnim aktivnostima (školskim sekcijama, priredbama i dr.);
- Ostvareni zapaženi rezultati na federalnim, državnim i međunarodnim takmičenjima iz različitih nastavnih oblasti;
- Učešće u društveno korisnom volonterskom radu;
- Uspjeh u sportskim, kulturnim i drugim aktivnostima;
- Učešće u projektima i aktivnostima koji razvijaju vještine kritičkog mišljenja;
- Primjerno vladanje u školi;
- Troškovi Federalnog ministarstva obrazovanja i nauke za organizaciju manifestacije „Podrška najboljim učenicima javnih osnovnih i javnih srednjih škola u Federaciji BiH“.

#### 4. Podrška bibliotekama osnovnih škola u nabavci školske lektire

##### Svrha programa:

Doprinijeti obnovi fonda bibliotečke građe u javnim osnovnim školama u Federaciji Bosne i Hercegovine kroz nabavku školske lektire.

##### Izvori sredstava:

Budžet Federacije Bosne i Hercegovine za 2020. godinu („Službene novine Federacije BiH“, broj 99/19).

##### Kriteriji za raspodjelu sredstava:

- Kvalitet ponuđenog projekta sa aspekta metodologije izrade, odnosno jasno definiranih ciljeva i metoda provođenja projektnih aktivnosti;
- Postojeće stanje fonda bibliotečke građe u školskoj biblioteci;
- Precizno definirane ciljne grupe i broj korisnika projekta;
- Iznos sredstava potrebnih za realizaciju projekta, odnosno učešća drugih finansijera ili učesnika u finansiranju projekta (vlastita sredstva, donacija, sredstva iz budžeta Federacije BiH, sredstva iz budžeta jedinica lokalne samouprave i drugih sredstava).

Projektni prijedlog treba sadržavati popis knjiga koje su planirane za nabavku, a koje su predviđene nastavnim planovima i programima za osnovne škole.

Program je namijenjen javnim osnovnim školama za realizaciju projekata nabavke školske lektire.

Projekti koje odobri Federalno ministarstvo obrazovanja i nauke bit će podržani u maksimalnoj vrijednosti do 3.000,00 KM.

R.br.	Naziv programa	Korisnik sredstava	Visina sredstava
5.	Poboljšanje uslova rada odgojno-obrazovnih ustanova	Javne predškolske ustanove, javne osnovne i javne srednje škole	1.150.000,00
6.	Podrška OŠ „1. mart“ u Jelahu za održavanje instruktivne nastave	Nastavnici angažirani za izvođenje instruktivne nastave i učenici	
7.	Podrška projektima angažiranja Rom medijatora radi povećanja obuhvata i redovnog pohađanja osnovnog obrazovanja djece romske nacionalnosti	Javne osnovne škole	

8.	Podrška programima obuke, stručnog osposobljavanja i usavršavanja odraslih osoba s fokusom na žene radi lakše integracije na tržište rada	Javne srednje škole	
----	---	---------------------	--

## 5. Poboljšanje uslova rada odgojno-obrazovnih ustanova

### Svrha programa:

Kroz podršku projektima opremanja i nabavke savremenih nastavnih sredstava unaprijediti kvalitet odgojno-obrazovnog rada i doprinijeti poboljšanju učeničkih postignuća.

### Izvori sredstava:

Budžet Federacije Bosne i Hercegovine za 2020. godinu („Službene novine Federacije BiH“, broj 99/19).

### Kriteriji za raspodjelu sredstava:

- Sredstva se raspodjeljuju na području cijele Federacije Bosne i Hercegovine, odnosno svih deset kantona;
- Prilikom raspodjele sredstava po kantonima uzimat će se u obzir ukupan broj učenika na području kantona;
- Raspodjela sredstava će se izvršiti na osnovu prijedloga prioriteta kantonalnih ministarstava nadležnih za oblast obrazovanja u Federaciji Bosne i Hercegovine. Kantonalna ministarstva nadležna za oblast obrazovanja su dužna Federalnom ministarstvu obrazovanja i nauke predložiti do 10 projekata odgojno-obrazovnih ustanova sa područja svog kantona iz više općina na osnovu sljedećih kriterija:
  - Projekti opremanja kabineta fizike, hemije i biologije s ciljem poboljšanja kvaliteta izvođenja laboratorijskih vježbi i unapređenja funkcionalnih znanja i vještina učenika iz fizike, hemije i biologije;
  - Projekti koji doprinose povećanju kapaciteta odgojno-obrazovnih ustanova za stvaranje inkluzivnog okruženja ili razvijaju sistem podrške u inkluzivnom obrazovanju, s fokusom na projekte angažiranja asistenata u nastavi, projekte nabavke savremene opreme, odnosno didaktičkih sredstava za rad sa učenicima s teškoćama u razvoju;
  - Projekti nabavke informatičke opreme radi razvoja digitalne ključne kompetencije kod učenika, a prednost će se dati školama uključenim u aktivnosti koji se odnose na kodiranje i korištenje digitalnih tehnologija u obrazovanju;
  - Projekti nabavke savremene opreme i nastavnih sredstava za škole radi poticanja primjene savremenih i inovativnih metoda i oblika odgojno-obrazovnog rada (istraživačka nastava, projektna nastava, multimedijaska nastava, problemsko učenje, učenje u grupama i dr.), kao i interdisciplinarnog pristupa u poučavanju/učenju. Sve navedeno treba biti usmjereno na povećanje nivoa funkcionalnih znanja i vještina učenika.

Projekti koje odobri Federalno ministarstvo obrazovanja i nauke bit će podržani u maksimalnoj vrijednosti do 15.000,00 KM.

## **6. Podrška OŠ „1. mart“ u Jelahu za održavanje instruktivne nastave**

### **Svrha programa:**

Angažiranje kvalificiranog nastavnog kadra radi održavanja instruktivne nastave za učenike osnovne škole u svrhu uspješnog završetka nekog od razreda osnovne škole.

### **Izvori sredstava:**

Budžet Federacije Bosne i Hercegovine za 2020. godinu („Službene novine Federacije BiH“, broj 99/19).

### **Kriteriji za raspodjelu sredstava:**

- Finansiranje troškova angažiranja nastavnog osoblja, putem OŠ „1. mart“ Jelah, Tešanj radi održavanja instruktivne nastave za učenike osnovne škole sa područja naseljenog mjesta Vrbanjci - Kotor Varoš za finansiranje drugog polugodišta 2019/2020. godine i prvog polugodišta 2020/2021. godine.
- Dodijeljena sredstva će se utrošiti za finansiranje troškova prijevoza, zatim ugovorenih naknada za rad i toplog obroka sa pripadajućim porezima i doprinosima u skladu sa zakonom, svim angažiranim nastavnicima.

## **7. Podrška projektima angažiranja Rom medijatora radi povećanja obuhvata i redovnog pohađanja osnovnog obrazovanja djece romske nacionalnosti**

### **Svrha programa:**

Angažiranje Rom medijatora radi obavljanja sljedećih poslova i zadataka: poslovi medijacije u romskim zajednicama; uspostavljanje inicijalnih kontakata sa romskim porodicama čija djeca nisu upisana u osnovnu školu iako su školski obveznici; kontinuirana saradnja sa roditeljima i jačanje partnerstva sa porodicama učenika romske nacionalnosti; provođenje preventivnih i drugih aktivnosti s ciljem osiguranja redovnog pohađanja nastave učenika romske nacionalnosti; podrška učenicima romske nacionalnosti u savladavanju školskih obaveza; saradnja s općinskim službama, ostalim nadležnim organima i nevladinim sektorom i dr.

### **Izvori sredstava:**

Budžet Federacije Bosne i Hercegovine za 2020. godinu („Službene novine Federacije BiH“, broj 99/19).

### **Kriteriji za raspodjelu sredstava:**

- Kvalitet prijedloga projekta (jasan opis problema, jasno definirani ciljevi projekta, ciljne grupe i očekivani broj korisnika projekta, ključne projektne aktivnosti, projekcija potencijalnih rizika u provedbi programa ili projekta);
- Precizno definiran opis poslova koje će obavljati Rom medijator koji će biti angažiran;
- Navedeni uslovi/kriteriji koji će se koristiti za angažiranje Rom medijatora (npr. stručna sprema, iskustvo u radu sa romskim zajednicama, poznavanje romskog jezika ...);
- Detaljno obrazloženje načina na koji će angažiranje Rom medijatora doprinijeti povećanju broja djece romske nacionalnosti koji na vrijeme upisuju osnovnu školu, redovno pohađaju nastavu i uspješno završavaju osnovno obrazovanje;
- Jasno navedeni očekivani rezultati projekta u smislu povećanja broja djece romske nacionalnosti koji upisuju školu i redovno pohađaju nastavu, smanjenje broja učenika koji napuštaju obrazovanje (navedeni brojevi indikatori) te poboljšanje uspjeha školovanja učenika romske nacionalnosti;
- Detaljno razrađen budžet sa jasno navedenim izvorima finansiranja (vlastita sredstva, donacija, sredstva iz budžeta Federacije BiH, sredstva iz budžeta jedinica lokalne samouprave i druga sredstva). Sve stavke u budžetu su



relevantne za realizaciju odgojno-obrazovnih aktivnosti navedenih u prijedlogu projekta;

- Vrijeme provođenja projekta.

Ovaj program je namijenjen javnim osnovnim školama koje u svom upisnom području imaju djecu romske nacionalnosti, a koje planiraju angažirati saradnika Rom medijatora kako bi povećali broj djece romske nacionalnosti koja upisuju, redovno pohađaju i uspješno završavaju osnovno obrazovanje.

Projekti koje odobri Federalno ministarstvo obrazovanja i nauke bit će podržani u maksimalnoj vrijednosti do 6.000,00 KM.

## **8. Podrška programima obuke, stručnog osposobljavanja i usavršavanja odraslih osoba s fokusom na žene radi lakše integracije na tržište rada**

### **Svrha programa:**

Unapređenje vještina i kompetencija odraslih osoba s fokusom na žene kroz programe obuke, stručnog osposobljavanja ili stručnog usavršavanja radi njihove lakše integracije na tržište rada.

### **Izvori sredstava:**

Budžet Federacije Bosne i Hercegovine za 2020. godinu („Službene novine Federacije BiH“, broj 99/19).

### **Kriteriji za raspodjelu sredstava:**

- Kvalitet prijedloga projekta (jasan opis problema, jasno definirani ciljevi projekta, ciljne grupe i očekivani broj korisnika projekta, ključne projektne aktivnosti, projekcija potencijalnih rizika u provedbi programa ili projekta, opis očekivanih rezultata projekta);
- Detaljno obrazloženje potrebe za realizacijom projekta sa aspekta predviđenih potreba tržišta rada;
- Povezanost predloženog projekta i programa sa prethodnim aktivnostima, odnosno postignuti rezultati u prethodnom periodu;
- Preporuka nadležnog ministarstva obrazovanja;
- Iznos sredstava potrebnih za realizaciju projekta, odnosno učešća drugih finansijera ili učesnika u finansiranju projekta (vlastita sredstva, donacija, sredstva iz budžeta Federacije BiH, sredstva iz budžeta jedinica lokalne samouprave i drugih sredstava);
- Vrijeme izvođenja programa obuke, stručnog osposobljavanja ili stručnog usavršavanja;
- Prioritet prilikom odabira će se dati projektima čiji su korisnici nezaposlene žene koje imaju potrebu za obukom, stručnim osposobljavanjem ili usavršavanjem s ciljem lakšeg zapošljavanja.

Program je namijenjen javnim srednjim školama koje izvode i realiziraju programe obuke, stručnog osposobljavanja ili usavršavanja. Projekti koje odobri Federalno ministarstvo obrazovanja i nauke bit će podržani u maksimalnoj vrijednosti do 10.000,00 KM.

R.br.	Naziv programa	Korisnik sredstava	Visina sredstava
9.	Sredstva rezervi u oblasti obrazovanja	Javne predškolske ustanove, javne osnovne i javne srednje škole, pedagoški zavodi, institucije i pojedinci, nosioci projekata obrazovnog karaktera.	70.000,00

## 9. Sredstva rezervi u oblasti obrazovanja

### Svrha programa:

Finansiranje interventnih potreba u oblasti obrazovanja, a prioritetno za troškove uvezivanja radnog staža prosvjetnim radnicima koji su radili u eksteritorijalnim školama za vrijeme i poslije rata u BiH.

### Izvori sredstava:

Budžet Federacije Bosne i Hercegovine za 2020. godinu („Službene novine Federacije BiH“, broj 99/19).

### Kriteriji za raspodjelu sredstava:

Sredstva rezervi u oblasti obrazovanja prioritetno su namijenjena za:

- Uvezivanje radnog staža prosvjetnim radnicima koji su radili u eksteritorijalnim školama za vrijeme i poslije rata u BiH;
- Podršku projektima koji nisu obuhvaćeni, odnosno predviđeni navedenim programima, a od značaja su za podsticaj i reformu obrazovnog sistema u Federaciji BiH;
- Podršku socijalnim programima iz oblasti obrazovanja;
- Podršku Koordinacionom odboru za utvrđivanje pravaca djelovanja u oblasti poboljšanja odgoja i obrazovanja u Federaciji BiH.

Finansijska sredstva za program pod rednim brojem 5. dodjeljivat će se odlukom federalne ministricе obrazovanja i nauke, na prijedlog posebno formirane komisije i Stručnog kolegija Ministarstva, a na osnovu projekata kandidiranih od strane kantonalnih ministarstava nadležnih za obrazovanje.

Za programe pod rednim brojevima 4, 7. i 8. bit će raspisan Javni poziv.

Sredstva za programe pod rednim brojevima 1, 2, 3. i 6. dodjeljivat će se odlukom federalne ministricе obrazovanja i nauke, na osnovu podataka prikupljenih u skladu sa propisanim kriterijima, odnosno na osnovu faktura i ugovora za načinjene troškove u realizaciji programa.

Sredstva za program pod rednim brojem 9. dodjeljivat će se odlukom federalne ministricе obrazovanja i nauke na prijedlog Sektora za predškolsko, osnovno i srednje obrazovanje, a po pristiglim zahtjevima.

## 3. PROGRAM RASPODJELE SREDSTAVA TRANSFERA ZA FINANSIRANJE STUDENTSKOG STANDARDA U IZNOSU OD 1.050.000,00 KM

R.br.	Naziv programa		Korisnik sredstava	Visina sredstava
1.	Osnovni studentski standard	Subvencioniranje smještaja i ishrane studenata	Studentski centri i domovi u Federaciji BiH	1.038.750,00
2.	Prošireni studentski standard	1. Podrška projektima studentskih organizacija visokoškolskih javnih ustanova u Federaciji BiH	Visokoškolske javne ustanove u Federaciji BiH, studentska udruženja	
		2. Podrška najboljim studentima, državljanima Bosne i Hercegovine, koji studiraju na javnim visokoškolskim	Najbolji studenti koje nominira njihov fakultet posredstvom javnih univerziteta s područja Federacije BiH	

		ustanovama u Federaciji BiH	uključujući studente Franjevačke teologije u Sarajevu.	
		3. Podsticaj školovanju Roma, državljana Bosne i Hercegovine koji studiraju na javnim visokoškolskim ustanovama u Federaciji BiH	Studenti pojedinci u skladu s propisanim kriterijima	
		4. Podrška studentima s invaliditetom, državljanima Bosne i Hercegovine, koji studiraju na javnim visokoškolskim ustanovama u Federaciji BiH	Studenti pojedinci u skladu s propisanim kriterijima	

## 1. Subvencioniranje smještaja i ishrane studenata

### Svrha programa:

Realizacija Protokola o subvencioniranju smještaja i ishrane studenata u studentskim centrima i domovima u Federaciji koji dolaze iz manje razvijenih kantona (Posavski, Bosansko-podrinjski, Kanton 10) i Republike Srpske.

### Izvori sredstava:

Budžet Federacije Bosne i Hercegovine za 2020. godinu („Službene novine Federacije BiH“, broj 99/19).

### Kriteriji za raspodjelu sredstava:

Subvencioniranje smještaja i ishrane studentima koji dolaze iz manje razvijenih kantona (Posavski, Bosansko-podrinjski, Kanton 10) i Republike Srpske. Način dodjele sredstava je određen Protokolom o subvencioniranju smještaja i ishrane studenata u studentskim centrima i domovima u Federaciji BiH od 11. 10. 2001, Odlukom o subvencioniranju smještaja i ishrane studenata u studentskim centrima i domovima u Federaciji BiH, broj 398/05 od 21. 7. 2005. godine i Odlukom o subvencioniranju smještaja i ishrane studenata u studentskim centrima i domovima u Federaciji, broj: 178/2015 od 19. 2. 2015. godine („Službene novine Federacije BiH“, broj: 15/2015).

Sredstva se dodjeljuju na osnovu službenih podataka dobivenih od strane studentskih centara za akademsku 2019/2020. godinu i akademsku 2020/2021. godinu dostavljenih na početku aktuelne akademske godine. Podaci sadrže imena i broj studenata, potvrde o upisu na aktuelnu godinu studija te potvrde o prebivalištu koja nije starija od šest mjeseci za svakog studenta pojedinačno.

Povećanje broja studenata dostavljenog na početku aktuelne akademske godine, nije moguće bez prethodno dobivene saglasnosti Ministarstva.

## 2. Prošireni studentski standard

### Svrha programa:

Poboljšanje proširenog studentskog standarda kroz podršku projektima studentskih organizacija visokoškolskih javnih ustanova u Federaciji BiH; podršku najboljim studentima, državljanima Bosne i Hercegovine, koji studiraju na javnim visokoškolskim ustanovama u Federaciji; podsticaj školovanju Roma, državljana

Bosne i Hercegovine, koji imaju prebivalište na prostoru Federacije BiH i koji studiraju na javnim visokoškolskim ustanovama u Bosni i Hercegovini i podršku studentima s invaliditetom, državljanima Bosne i Hercegovine, koji imaju prebivalište na prostoru Federacije BiH i koji studiraju na javnim visokoškolskim ustanovama u Bosni i Hercegovini.

**Izvori sredstava:**

Budžet Federacije Bosne i Hercegovine za 2020. godinu („Službene novine Federacije BiH“, broj 99/19).

**2.1. Podrška projektima studentskih organizacija visokoškolskih javnih ustanova u Federaciji BiH**

Ovaj program usmjeren je na pružanje podrške u realizaciji domaćih i međunarodnih studentskih projekata.

**Izvori sredstava:**

Budžet Federacije Bosne i Hercegovine za 2020. godinu („Službene novine Federacije BiH“, broj 99/19).

**Kriteriji za raspodjelu sredstava:**

- Kvalitet i značaj projekta za studij;
- Korist za društvo, značaj za Federaciju BiH te Bosnu i Hercegovinu;
- Razrađenost, konkretnost i mjerljivost ciljeva projekta;
- Brojnost i organiziranost studentske organizacije te brojnost ciljne grupe;
- Popis dosadašnjih aktivnosti i realiziranih projekata;
- Profiliranost studentske organizacije i saradnja s matičnom visokoškolskom ustanovom;
- Članstvo u domaćim i međunarodnim studentskim asocijacijama;
- Uspostavljena saradnja na projektu s domaćim i međunarodnim studentskim udruženjima;
- Potvrđeno učešće drugih sufinansijera;
- Kvalitet i potvrđeni značaj organizatora u dijelu koji se odnosi na učešće na domaćim i međunarodnim studentskim programima;
- Tamo gdje postoji partnerstvo između dvije ili više studentskih organizacija ili asocijacija, za isti projekat može aplicirati samo jedna od njih. Ukoliko više studentskih organizacija ili asocijacija aplicira istovremeno za isti projekat, Ministarstvo će prihvatiti bolje ocijenjeni projekat.

Projekti koje odobri Federalno ministarstvo obrazovanja i nauke bit će podržani u maksimalnoj vrijednosti do 5.000,00 KM.

**2.2. Podrška najboljim studentima, državljanima Bosne i Hercegovine, koji studiraju na javnim visokoškolskim ustanovama u Federaciji BiH**

**Izvori sredstava:**

Budžet Federacije Bosne i Hercegovine za 2020. godinu („Službene novine Federacije BiH“, broj 99/19).

**Kriteriji za raspodjelu sredstava:**

- Podrška se odnosi na najbolje studente završne godine prvog ciklusa studija, čiji je ukupni uspjeh ostvaren zaključno s akademskom 2019/2020. godinom;
- Po jedan najbolji student sa svake organizacione jedinice/fakulteta, akademije i pridruženih članica na svakom javnom univerzitetu u Federaciji na osnovu dostavljenog prijedloga visokoškolskih ustanova;
- Najbolji prosjek ocjena na dosadašnjem studiju;

- U slučaju da dva ili više studenata imaju jednak prosjek ocjena, prednost ima student koji je tokom studija uspješno učestvovao u naučnom, stručnom i volonterskom radu.

Podrška se dodjeljuje najboljim studentima koje kandidira njihov fakultet posredstvom i na osnovu kandidatura dostavljenih od strane javnih univerziteta s područja Federacije Bosne i Hercegovine.

Pod istim uslovima mogu se kandidirati i studenti Franjevačke teologije u Sarajevu.

### **2.3. Podsticaj školovanju Roma, državljana Bosne i Hercegovine, koji imaju prebivalište na prostoru Federacije BiH i koji studiraju na javnim visokoškolskim ustanovama u Bosni i Hercegovini**

#### **Izvori sredstava:**

Budžet Federacije Bosne i Hercegovine za 2020. godinu („Službene novine Federacije BiH“, broj 99/19).

#### **Kriteriji za raspodjelu sredstava:**

- Da je student koji ima prebivalište na prostoru Federacije BiH i koji studira na javnim visokoškolskim ustanovama u Bosni i Hercegovini;
- Da nije ponavljao aktuelnu akademsku godinu osim u slučaju bolovanja ili liječenja dužeg od tri mjeseca, za što je dužan dostaviti ovjerene dokaze.

### **2.4. Podrška studentima s invaliditetom, državljanima Bosne i Hercegovine, koji imaju prebivalište na prostoru Federacije BiH i koji studiraju na javnim visokoškolskim ustanovama u Bosni i Hercegovini**

#### **Izvori sredstava:**

Budžet Federacije Bosne i Hercegovine za 2020. godinu („Službene novine Federacije BiH“, broj 99/19).

#### **Kriteriji za raspodjelu sredstava:**

- Da student ima prebivalište na prostoru Federacije BiH i da studira na javnim visokoškolskim ustanovama u Bosni i Hercegovini;
- Da je student prvog ili drugog ciklusa studija i da nema više od 30 godina zaključno s krajem tekuće, 2020. godine;
- Da ima invalidnost utvrđenu rješenjem nadležnog organa ili potvrdu Ureda za podršku studentima s posebnim potrebama VŠU na kojoj studiraju, s obrazloženjem;
- U slučaju da obnavlja godinu, dokaz da je obnavljanje godine posljedica liječenja u vezi s invaliditetom ili ovjerena preporuka Ureda za podršku studentima s posebnim potrebama VŠU na kojoj studiraju, s obrazloženjem.

Sredstva pod rednim brojem 1. dodjeljuju se na osnovu primljenih zahtjeva od strane svih studentskih centara u Federaciji BiH.

Sredstva za programe pod rednim brojem 2. dodjeljivat će se odlukom federalne ministricе obrazovanja i nauke, na prijedlog posebno formirane komisije i Stručnog kolegija Ministarstva, na osnovu primljenih zahtjeva. Za programe pod rednim brojem 2. bit će raspisani javni pozivi, izuzev programa 2.2. „Podrška najboljim studentima, državljanima Bosne i Hercegovine, koji studiraju na javnim visokoškolskim ustanovama u Federaciji“, koji će biti realiziran na osnovu dostavljenih prijedloga od strane javnih visokoškolskih ustanova u Federaciji BiH.

R.br.	Naziv programa	Korisnik sredstava	Visina sredstava
3.	Sredstva rezervi za interventne potrebe u oblasti studentskog standarda	Visokoškolske ustanove, studentska udruženja, studenti pojedinci državljani BiH	11.250,00

### 3. Sredstva rezervi za interventne potrebe u oblasti studentskog standarda

#### Izvori sredstava:

Budžet Federacije Bosne i Hercegovine za 2020. godinu („Službene novine Federacije BiH“, broj 99/19).

#### Kriteriji za raspodjelu sredstava:

- Podrška projektima koji nisu predviđeni navedenim programima, a od značaja su za poboljšanje studentskog standarda u Federaciji BiH;
- Podrška projektima čijim će finansiranjem biti ostvarena regionalna zastupljenost.

Sredstva po ovom osnovu dodjeljuje federalna ministrica obrazovanja i nauke pojedinačnom odlukom, na prijedlog Sektora za visoko obrazovanje, a po pristiglim zahtjevima.

### 4. PROGRAM RASPODJELE SREDSTAVA TRANSFERA ZA FOND ZA STUDENTSKE ZAJMOVE U IZNOSU OD 220.000,00 KM

R.br.	Naziv programa	Korisnik sredstava	Visina sredstava
1.	Sufinansiranje Fonda za studentske zajmove	Fond za studentske zajmove Federacije BiH	220.000,00

#### Svrha programa:

Poboljšanje studentskog standarda kroz dodjelu studentskih zajmova, na osnovu javnog poziva koji raspisuje Fond za studentske zajmove Federacije BiH, u skladu sa Programom rada i Finansijskim planom za 2020. godinu.

#### Izvori sredstava:

Budžet Federacije Bosne i Hercegovine za 2020. godinu („Službene novine Federacije BiH“, broj 99/19).

#### Kriteriji za raspodjelu sredstava:

- Sredstva se dodjeljuju na osnovu Odluke o osnivanju Fonda za studentske zajmove Federacije BiH („Službene novine Federacije BiH“, broj 75/06);
- Sredstva doznačena Fondu za studentske zajmove Federacije BiH (u daljem tekstu: Fond) treba da omoguće studiranje studentima u visokoškolskim ustanovama Federacije BiH;
- Fond će zajmove dodjeljivati studentima na osnovu javnog poziva i kriterija koje će utvrditi Upravni odbor Fonda;
- Fond, odnosno njegov Upravni odbor, dužan je donijeti program rada i finansijski plan za 2020. godinu na koji saglasnost daje Vlada Federacije BiH;
- Nadzor nad korištenjem i raspodjelom sredstava Fonda vrše Federalno ministarstvo obrazovanja i nauke i Federalno ministarstvo finansija.

## 5. PROGRAM RASPODJELE SREDSTAVA TRANSFERA ZA OBLAST NAUKE OD ZNAČAJA ZA FEDERACIJU BiH U IZNOSU OD 1.500.000,00 KM

R. br.	Naziv programa	Korisnik sredstava	Visina sredstava
1.	Podrška izdavanju referentnih naučnih časopisa, zbornika radova, bibliografija i sl. Podrška postizanju referentnosti naučnih časopisa	Univerzitet u Sarajevu, Univerzitet u Tuzli, Univerzitet u Zenici, Univerzitet u Bihaću, Univerzitet „Džemal Bijedić“ u Mostaru, Sveučilište u Mostaru, Franjevačka teologija Sarajevo, Islamski pedagoški fakultet u Zenici, Islamski pedagoški fakultet u Bihaću, Klinički centar Univerziteta u Sarajevu, Sveučilišna klinička bolnica Mostar, Univerzitetski klinički centar Tuzla	1.219.020,00
2.	Podrška naučnom usavršavanju na doktorskom studiju, odnosno podrška sticanju naučnog stepena doktora nauka po predbolonjskom sistemu državljana BiH zaposlenih u javnim visokoškolskim i naučnim ustanovama u Federaciji BiH		
3.	Podrška radu biblioteka javnih visokoškolskih i naučnih ustanova u Federaciji i njihovo uključivanje u bibliotečko-informacioni sistem		
4.	Međuinstitucionalna naučnotehnološka saradnja međunarodnog karaktera (po osnovu potpisanih sporazuma)		
5.	Organizacija domaćih i međunarodnih naučnih skupova		
6.	Podrška istraživanju od značaja za Federaciju		
7.	Podrška autorima zaposlenim na javnim visokoškolskim i naučnim ustanovama u izdavanju naučne literature, izdavački projekti javnih visokoškolskih i naučnih ustanova		
8.	Aktivno učešće zaposlenika javnih visokoškolskih i naučnih ustanova na domaćim i međunarodnim naučnim skupovima		
9.	Sufinansiranje istraživačkog rada i naučnog usavršavanja zaposlenika javnih visokoškolskih i naučnih ustanova u zemlji i inostranstvu s ciljem sticanja stepena naučnog zvanja		
10.	Uređenje prostora i nabavka prioritetne opreme za naučnoistraživački rad		

### **Svrha programa 1-10:**

Podrška razvoju naučno-istraživačke i istraživačko-razvojne djelatnosti na javnim visokoškolskim i naučnim ustanovama u Federaciji Bosne i Hercegovine, kroz podršku naučnom usavršavanju, izdavaštvu i bibliotečkoj djelatnosti, organizaciji i učešću na domaćim i međunarodnim naučnim skupovima, istraživačkom radu, realizaciji programa međunarodne naučno-tehnološke saradnje, te razvoju naučne infrastrukture.

### **Izvori sredstava:**

Budžet Federacije Bosne i Hercegovine za 2020. godinu („Službene novine Federacije BiH“, broj 99/19).

**Kriteriji za raspodjelu sredstava:**

Sredstva za realizaciju programa 1, 2, 3, 4, 5, 6, 7, 8, 9 i 10. dodijelit će se u ukupnom iznosu od 1.219.020,00 KM.

Iznos za pojedine javne visokoškolske ustanove (univerzitete) odredit će se na slijedeći način:

- svaka od javnih visokoškolskih ustanova dobiva početni iznos od 95.000,00 KM,
- na naprijed navedeni iznos dodaje se iznos obračunat u skladu sa brojem stalnih članica-organizacionih jedinica na kojima se obavlja naučni (Institut za istoriju Sarajevo, Institut za jezik Sarajevo, Orijentalni institut Sarajevo, Institut za genetičko inženjerstvo i biotehnologiju Sarajevo, Institut za istraživanje zločina protiv čovječnosti i međunarodnog prava Sarajevo, Metalurški institut „Kemal Kapetanović“ Zenica) i naučno-nastavni (fakulteti, akademije, visoke škole itd.) proces, a koji se utvrđuje na način da se broj organizacionih jedinica pomnoži sa osnovicom u iznosu od 7.260,00 KM.

Ostalim nabrojanim visokoškolskim i naučnim ustanovama pripadaju sredstva u visini od 15.000,00 KM.

Sredstva će se dodjeljivati na osnovu ugovora koje će Federalno ministarstvo obrazovanja i nauke sklopiti sa korisnicima sredstava.

Nadležna tijela korisnika sredstava samostalno, u skladu sa vlastitim strateškim opredjeljenjima i razvojnim potrebama u 2020. godini, te zakonskim propisima i specifičnostima svakog od navedenih programa odlučuju o utrošku dodjeljenih sredstava.

Dodjeljena sredstva se ne mogu koristiti za finansiranje plaća i naknada zaposlenih ili spoljnih saradnika, isplatu honorara i sličnih naknada, odnosno pokriće režijskih i drugih troškova koji proističu iz redovnog poslovanja ustanove.

Korisnici sredstava obavezni su raspisati interni javni poziv za dodjelu sredstava, koji će biti dostupan na oglasnoj ploči i web stranici korisnika, odnosno javno oglasiti odluku Senata o prioritetima potrošnje dodijeljenih sredstava na isti način.

Korisnici sredstava, sa kojima budu sklopljeni ugovori, obavezni su da dodijeljena sredstva utroše namjenski, te u roku od 60 dana od dana realizacije projekata, a najkasnije u roku od šest mjeseci od dana uplate sredstava, podnesu zbirni izvještaj sa dokazima o namjenskom utrošku sredstava i ostvarenim efektima ulaganja.

R. br.	Naziv programa	Korisnik sredstava	Visina sredstava
11.	Podrška radu naučnih i naučnostručnih društava, te javnih naučnih ustanova s kojima Federalno ministarstvo obrazovanja i nauke nije sklopilo posebne ugovore o finansiranju/ sufinansiranju programa i projekata u oblasti nauke, odnosno ugovore o podršci njihovom funkcioniranju i ostvarivanju radne sposobnosti	Naučnoistraživačke, istraživačko-razvojne ustanove, naučna i naučnostručna društva, naučni radnici, istraživači i autori, komercijalni izdavači	215.980,00
12.	Otkup novije naučne literature od komercijalnih izdavača sa područja Federacije BiH		



13.	Podrška autorima koji nisu zaposleni na nekoj od javnih visokoškolskih i naučnih ustanova u izdavanju novije naučne, stručne i univerzitetske literature		
14.	Sufinansiranje istraživačkog rada, naučnog usavršavanja i studijskih boravaka u zemlji i inostranstvu, za kandidate koji nisu zaposleni na nekoj od javnih visokoškolskih i naučnih ustanova		

### **Kriteriji za raspodjelu sredstava:**

**11.** Podrška radu naučnih i naučnostručnih društava, te javnih naučnih ustanova s kojima Federalno ministarstvo obrazovanja i nauke nije sklopilo posebne ugovore o finansiranju/sufinansiranju programa i projekata u oblasti nauke, odnosno ugovore o podršci njihovom funkcioniranju i ostvarivanju radne sposobnosti će se dodjeljivati za realizaciju slijedećih programskih aktivnosti:

- a) Podrška organizaciji domaćih i međunarodnih naučnih skupova;
- b) Štampanje naučnih časopisa, zbornika radova i sl.;
- c) Štampanje naučnih knjiga.

### **Svrha programa:**

Podrška razvoju naučno-istraživačke i istraživačko-razvojne djelatnosti naučnih i naučnostručnih društava, te javnih naučnih ustanova s kojima Federalno ministarstvo obrazovanja i nauke nije sklopilo posebne ugovore o finansiranju/sufinansiranju programa i projekata u oblasti nauke, kroz podršku organizaciji domaćih i međunarodnih naučnih skupova, te podršku štampanju naučnih knjiga i periodike.

### **Izvori sredstava:**

Budžet Federacije Bosne i Hercegovine za 2020. godinu („Službene novine Federacije BiH“, broj 99/19).

### **Kriteriji za raspodjelu sredstava:**

#### *a) Podrška organizaciji domaćih i međunarodnih naučnih skupova:*

- Naučni i društveni značaj skupa;
- Naučna referentnost organizatora i učesnika skupa;
- Očekivani doprinos razvoju i širenju naučne misli i rezultata istraživanja;
- Mogućnost uspostavljanja trajnih veza i saradnje sa domaćim i stranim naučnim ustanovama i naučnim radnicima;
- Povezivanje sa naučnom dijasporom BiH;
- Tradicija naučne manifestacije i važnost tematike skupa;
- Detaljno obrazložen finansijski plan sa dokazima o visini troškova (*ovjereni i potpisani* predračuni i sl.).

#### *b) Štampanje naučnih časopisa, zbornika radova i sl.:*

- Redovnost izlaženja;
- Recenziranje radova i popis recenzenata;
- Postojanje domaće i međunarodne saradnje;
- Sastav uredništva časopisa i omjer prihvaćenih i odbijenih članaka;
- Dokaz da se časopis nalazi na spisku neke od referentnih međunarodnih baza naučnih časopisa, ili da je u proceduri upisa na listu referentnih časopisa, odnosno da je od izuzetnog značaja za određenu naučnu oblast u BiH;

- Relevantnost i referentnost naučne manifestacije sa koje se izdaje zbornik radova;
- Relevantnost i referentnost bibliografije za određenu naučnu oblast ili opće naučne tokove u BiH i svijetu;
- Detaljno obrazložen finansijski plan sa dokazima o visini troškova štampanja (*ovjereni i potpisani* predračuni i sl.).

**c) Štampanje naučnih knjiga:**

- Detaljno obrazložen projekat;
- Najmanje dvije recenzije doktora nauka iz odgovarajuće naučne oblasti;
- Izdavački projekat u 2019. ili 2020. godini;
- Detaljno obrazložen finansijski plan sa dokazima o visini troškova štampanja (*ovjereni i potpisani* predračuni i sl.).

**12. Otkup novije naučne literature od komercijalnih izdavača sa područja Federacije BiH**

**Svrha programa:**

Podrška razvoju izdavačke djelatnosti u oblasti nauke, otkup novije naučne, visokoškolske i stručne literature u cilju obogaćivanja i popune knjižnog fonda biblioteka naučnih i visokoškolskih ustanova aktuelnim izdanjima.

**Izvori sredstava:**

Budžet Federacije Bosne i Hercegovine za 2020. godinu („Službene novine Federacije BiH“, broj 99/19).

**Kriteriji za raspodjelu sredstava:**

- Detaljno obrazložen projekat;
- Najmanje dvije recenzije doktora nauka iz odgovarajuće naučne oblasti;
- Izdavački projekat u 2019. ili 2020. godini;

Napomena: Sredstva u okviru ovog programa dodjeljivat će se u maksimalnom ukupnom iznosu do 5.000,00 KM po izdavaču. Izdavač može kandidirati maksimalno 5 različitih naslova za otkup, od kojih najviše 2 mogu biti u formi rukopisa pripremljenih za štampu.

**13. Podrška autorima koji nisu zaposleni na nekoj od javnih visokoškolskih i naučnih ustanova u izdavanju novije naučne, stručne i univerzitetske literature**

**Svrha programa:**

Podrška autorima naučne literature i visokoškolskih udžbenika, podrška razvoju izdavačke djelatnosti u oblasti nauke.

**Izvori sredstava:**

Budžet Federacije Bosne i Hercegovine za 2020. godinu („Službene novine Federacije BiH“, broj 99/19).

**Kriteriji za raspodjelu sredstava:**

- Detaljno obrazložen projekat;
- Najmanje dvije recenzije doktora nauka iz odgovarajuće naučne oblasti;
- Izdavački projekat u 2019. ili 2020. godini;
- Dokaz o radnom statusu (potvrda ili uvjerenje o zaposlenju, odnosno nezaposlenosti aplikanta);

- Pozitivno mišljenje visokoškolske ili naučne ustanove iz odgovarajuće naučne oblasti o kvalitetu i značaju naučnog djela;
- U slučaju visokoškolskog udžbenika: mišljenje visokoškolske ustanove da se izdanje može koristiti kao univerzitetski udžbenik ili pomoćna literatura;
- Detaljno obrazložen finansijski plan sa dokazima o visini troškova štampanja (ovjereni i potpisani predračuni i sl.).

#### **14. Sufinansiranje istraživačkog rada, naučnog usavršavanja i studijskih boravaka u zemlji i inostranstvu, za kandidate koji nisu zaposleni na nekoj od javnih visokoškolskih i naučnih ustanova**

##### **Svrha programa:**

Podrška razvoju naučno-istraživačke i istraživačko-razvojne djelatnosti u Federaciji BiH, podrška obavljanju istraživačkog rada i naučnog usavršavanja.

##### **Izvori sredstava:**

Budžet Federacije Bosne i Hercegovine za 2020. godinu („Službene novine Federacije BiH“, broj 99/19).

##### **Kriteriji za raspodjelu sredstava:**

Detaljno obrazložen projekat;

Pozivno pismo ili saglasnost domaćina o prihvatanju kandidata (ako se istraživanje obavlja u nekoj od visokoškolskih ili naučnih ustanova);

Dokaz (kopija rješenja o registraciji i sl.) da je ustanova u kojoj se planira obaviti istraživanje naučnog ili visokoobrazovnog karaktera (osim u slučaju kada se istraživanje obavlja na terenu);

Detaljno obrazložen vremenski i finansijski plan istraživanja sa dokazima o visini troškova (predračuni i sl.);

Dokaz da aplikant nije zaposlen u nekoj od javnih naučnih ili visokoškolskih ustanova, s kojima je Federalno ministarstvo obrazovanja i nauke sklopilo posebne ugovore o finansiranju/sufinansiranju programa i projekata u oblasti nauke .

Napomena: Prednost za dodjelu podrške imat će mladi istraživači (do 35 godina starosti), koji su studenti doktorskog studija ili kandidati za sticanje naučnog stepena doktora nauka, o čemu se prilažu odgovarajući dokazi.

Finansijska sredstva za programe pod rednim brojevima 11, 12, 13. i 14. dodjeljivat će se odlukom federalne ministricе obrazovanja i nauke, na prijedlog posebno formiranih komisija i Stručnog kolegija Ministarstva, odnosno na osnovu prispjelih zahtjeva na javni poziv.

R.br.	Naziv programa	Korisnik sredstava	Visina sredstava
15.	Sredstva rezervi - interventne potrebe u oblasti nauke	Naučnoistraživačke, istraživačko-razvojne i obrazovne institucije, naučni radnici, istraživači, biblioteke visokoškolskih i naučnih ustanova, naučna i naučnostručna društva, udruženja i pojedinci-inovatori, nosioci aktivnosti predloženog projekta, stručna tijela i komisije.	65.000,00

##### **Izvori sredstava:**

Budžet Federacije Bosne i Hercegovine za 2020. godinu („Službene novine Federacije BiH“, broj 99/19).

**Kriteriji za raspodjelu sredstava:**

Sredstva pod rednim brojem 15. koristit će se za interventne potrebe u oblasti nauke:

- podrška projektima koji nisu obuhvaćeni, odnosno predviđeni navedenim programima, a od značaja su za nauku u Federaciji BiH;
- podrška projektima koji u potpunosti ne ispunjavaju propisane kriterije, ali se, u cilju regionalne zastupljenosti i razvoja nauke i visokoškolskih i naučnih institucija u područjima nerazvijenim sa aspekta nauke, prihvataju i finansiraju.

Sredstva rezervi za interventne potrebe u oblasti nauke dodjeljuje federalna ministrica obrazovanja i nauke svojom odlukom, a na prijedlog Sektora za nauku i tehnologije, a po pristiglim zahtjevima.

**6. PROGRAM RASPODJELE SREDSTAVA TRANSFERA ZA INSTITUCIJE NAUKE I PODSTICAJ NIR OD ZNAČAJA ZA FEDERACIJU BiH U IZNOSU OD 850.000,00 KM**

R.br.	Naziv programa	Korisnik sredstava	Visina sredstava
1.	Učešće u pripremi i izradi zakonskih i podzakonskih akata iz oblasti nauke, uspostava baza podataka i drugih evidencija u oblasti nauke i tehnologija, skupovi u oblasti nauke i tehnologija, izdavački projekti i promocija izdanja u oblasti nauke i tehnologija, pokroviteljstvo nad manifestacijama u oblasti nauke, podrška realizaciji projekata čiji je partner Federalno ministarstvo obrazovanja i nauke, projekti popularizacije nauke, obilježavanje Dana nauke u Federaciji BiH, dodjela federalnih nagrada za nauku, ocjenjivanje naučno-istraživačkih programa i projekata	Naučno-istraživačke, istraživačko-razvojne i obrazovne ustanove, naučna i naučnostručna udruženja, Savjet za nauku, Nacionalna i univerzitetska biblioteka Bosne i Hercegovine, eksperti, stručni timovi i komisije, naučni radnici i istraživači	815.000,00
2.	Finansiranje projekta „Current Research Information System e-CRIS“, odnosno njegova implementacija, održavanje i ažuriranje na području Federacije BiH, finansiranje pretplate na međunarodne naučne baze podataka i referentne elektronske naučne časopise; nabavka enciklopedijskih, naučnih i stručnih izdanja za potrebe univerzitetskih biblioteka u Federaciji BiH		
3.	Priprema i izrada strateških dokumenata i akcionih planova u oblasti nauke, tehnologija i inovacija u Federaciji BiH		
4.	Međunarodna naučno-tehnološka saradnja bilateralnog karaktera		
5.	Naučno-istraživački i istraživačko-razvojni projekti u 2020. godini		

**Svrha programa:1-5:**

Podrška razvoju naučno-istraživačke i istraživačko-razvojne djelatnosti u Federaciji BiH, popularizacija naučno-istraživačkog i istraživačko-razvojnog rada, stvaranje pravnog, strateškog i finansijskog okvira za razvoj nauke, ostvarivanje multilateralne i

bilateralne naučno-tehnološke saradnje, realizacija naučno-istraživačkih i istraživačko-razvojnih projekata koji predstavljaju izvor novih naučnih ideja i doprinose razvoju naučne misli, stvaranje i kontinuirano ažuriranje evidencija o naučnim institucijama, te naučnim radnicima, realiziranim projektima i rezultatima naučno-istraživačkog i istraživačko-razvojnog rada u Federaciji BiH u cilju povećanja njihove vidljivosti na domaćem i međunarodnom planu.

#### **Izvori sredstava:**

Budžet Federacije Bosne i Hercegovine za 2020. godinu („Službene novine Federacije BiH“, broj 99/19).

**1. Učešće u pripremi i izradi zakonskih i podzakonskih akata iz oblasti nauke, uspostava baza podataka i drugih evidencija u oblasti nauke i tehnologija, skupovi u oblasti nauke i tehnologija, izdavački projekti i promocija izdanja u oblasti nauke i tehnologija, pokroviteljstvo nad manifestacijama u oblasti nauke, podrška realizaciji projekata čiji je partner Federalno ministarstvo obrazovanja i nauke, projekti popularizacije nauke, obilježavanje Dana nauke u Federaciji BiH, dodjela federalnih nagrada za nauku, ocjenjivanje naučno-istraživačkih programa i projekata**

#### **Izvori sredstava:**

Budžet Federacije Bosne i Hercegovine za 2020. godinu („Službene novine Federacije BiH“, broj 99/19).

#### **Kriteriji za raspodjelu sredstava:**

- Organizacija okruglih stolova, naučnih skupova, savjetovanja i javnih rasprava o stanju i perspektivama razvoja nauke u Federaciji BiH;
- Pripreme za donošenje i izrada propisa o nauci, naučnoistraživačkoj djelatnosti i fondovima za nauku na svim nivoima;
- Ostvarivanje saradnje sa nadležnim državnim i drugim institucijama u cilju razmjene iskustava, prikupljanja podataka i stvaranja baza podataka i evidencija u oblasti nauke i tehnologija;
- Davanje stručnih savjeta, preporuka i mišljenja iz oblasti nauke i tehnologija;
- Izdavačka djelatnost i promocija izdanja Federalnog ministarstva obrazovanja i nauke u oblasti nauke i tehnologija;
- Pokroviteljstvo nad manifestacijama u oblasti nauke;
- Podrška realizaciji projekata čiji je partner Federalno ministarstvo obrazovanja i nauke;
- Realizacija aktivnosti u sferi popularizacije nauke i naučno-istraživačkog rada, ocjenjivanje naučnoistraživačkih programa i projekata;
- Realizacija programa i aktivnosti vezanih za obilježavanje Dana nauke u Federaciji BiH;
- Dodjela federalnih nagrada za nauku;
- Učešće u radu stručnih timova za pripremu i izradu pravnih propisa i evidencija u oblasti nauke i tehnologija i drugih komisija.

Finansijska sredstva se dodjeljuju na prijedlog posebno formiranih komisija, a na osnovu odluke federalne ministricе obrazovanja i nauke.

**2. Finansiranje projekta „Current Research Information System e-CRIS“, odnosno njegova implementacija, održavanje i ažuriranje na području Federacije BiH, finansiranje pretplate na međunarodne naučne baze podataka i referentne elektronske naučne časopise; nabavka enciklopedijskih, naučnih i stručnih izdanja za potrebe univerzitetskih biblioteka u Federaciji BiH**

**Izvori sredstava:**

Budžet Federacije Bosne i Hercegovine za 2020. godinu („Službene novine Federacije BiH“, broj 99/19).

**Kriteriji za raspodjelu sredstava:**

- Na osnovu Ugovora između Federalnog ministarstva obrazovanja i nauke i Nacionalne i univerzitetske biblioteke BiH za 2020. godinu, koji se odnosi na implementaciju, održavanje i ažuriranje sistema „Current Research Information System e-CRIS“
- Sredstva za nabavku enciklopedijskih, naučnih i stručnih izdanja (u maksimalnom iznosu do 25.000,00 KM) dodjelit će se odlukom federalne ministricе obrazovanja i nauke po zahtjevu Nacionalne i univerzitetske biblioteke BiH u funkciji matične biblioteke, a na osnovu usaglašenog prijedloga za nabavku izdanja univerzitetskih biblioteka u Federaciji BiH i dostavljenog predračuna.

**3. Priprema i izrada strateških dokumenata i akcionih planova u oblasti nauke, tehnologija i inovacija u Federaciji BiH****Izvori sredstava:**

Budžet Federacije Bosne i Hercegovine za 2020. godinu („Službene novine Federacije BiH“, broj 99/19).

**Kriteriji za raspodjelu sredstava:**

Priprema i izrada strateških dokumenata i akcionih planova u oblasti nauke, tehnologija i inovacija u Federaciji BiH, a na osnovu odluke federalne ministricе obrazovanja i nauke

**4. Međunarodna naučno-tehnološka saradnja bilateralnog karaktera****Izvori sredstava:**

Budžet Federacije Bosne i Hercegovine za 2020. godinu („Službene novine Federacije BiH“, broj 99/19).

**Kriteriji za raspodjelu sredstava:**

Podrška realizaciji obaveza po osnovu sporazuma o naučno-tehnološkoj saradnji u dijelu koji se odnosi na Federaciju BiH.

**5. Naučnoistraživački i istraživačko-razvojni projekti u 2020. godini****Izvori sredstava:**

Budžet Federacije Bosne i Hercegovine za 2020. godinu („Službene novine Federacije BiH“, broj 99/19).

**Kriteriji za raspodjelu sredstava:**

- Konkurs će se raspisati za finansiranje/sufinansiranje naučno-istraživačkih i istraživačko-razvojnih projekata koji predstavljaju izvor novih naučnih ideja i doprinose razvoju naučne misli, tj. fundamentalna i primjenjena istraživanja, kao i posebna istraživanja od interesa za Federaciju.
- Institucije koje podnose prijavu moraju raspolagati naučno-istraživačkim kadrom, naučno-istraživačkom infrastrukturom i opremom kojom omogućavaju realizaciju programa istraživanja i postizanje utvrđenih ciljeva.

- Ocjenu naučnog sadržaja podnijetih prijava u pogledu originalnosti, aktuelnosti, kvalitet predloženih istraživanja, vrijednosti i primjenjivosti očekivanih rezultata, podobnosti podnosioca prijave i odgovornog istraživača, rokova, ukupne cijene projekata izvršit će Savjet za nauku.
- Odgovorni istraživač mora biti naučni radnik sa naučnim stepenom doktora nauka iz naučne oblasti u koju spada projekat.

Finansijska podrška za program pod rednim brojem 5. će se dodjeljivati odlukom federalne ministricе obrazovanja i nauke, a u skladu sa kriterijima Konkursa za finansiranje/sufinansiranje naučno-istraživačkih i istraživačko-razvojnih projekata od značaja za Federaciju u 2020. godini i na osnovu prijedloga Savjeta za nauku Federalnog ministarstva obrazovanja i nauke.

R.br.	Naziv programa	Korisnik sredstava	Visina sredstava
6.	Sredstva rezervi-interventne potrebe u oblasti podrške institucijama nauke i podsticaj NIR	Naučno-istraživačke, istraživačko-razvojne i visokoškolske ustanove u Federaciji, naučna i naučno-stručna društva, nosioci aktivnosti predloženog projekta	35.000,00

#### Izvori sredstava:

Budžet Federacije Bosne i Hercegovine za 2020. godinu („Službene novine Federacije BiH“, broj 99/19).

#### Kriteriji za raspodjelu sredstava:

Sredstva za program pod rednim brojem 6. koristit će se za interventne potrebe u oblasti podrške institucijama nauke i posticaj NIR:

- podrška projektima koji nisu obuhvaćeni, odnosno predviđeni navedenim programom, a od značaja su za naučno-istraživačke, istraživačko-razvojne i visokoškolske ustanove, te naučna i naučno-stručna društva i podsticaj NIR u Federaciji;
- podrška projektima koji u potpunosti ne ispunjavaju propisane kriterije, ali se, u cilju regionalne zastupljenosti i razvoja nauke i naučnih institucija u područjima nerazvijenim sa aspekta nauke, prihvataju i finansiraju.

Sredstva rezervi za interventne potrebe za institucije nauke i posticaj NIR dodjeljuje federalna ministrica obrazovanja i nauke svojom odlukom, a na prijedlog Sektora za nauku i tehnologije, a po pristiglim zahtjevima.

### 7. PROGRAM RASPODJELE SREDSTAVA TRANSFERA ZA INSTITUCIJE NAUKE I KULTURE OD ZNAČAJA ZA BIH U IZNOSU OD 1.000.000,00 KM

R.br.	Naziv programa	Korisnik sredstava	Visina sredstava
1.	Podrška programima i projektima institucija nauke i kulture od značaja za Bosnu i Hercegovinu, kojima se osigurava kontinuitet rada i održavanja djelatnosti na dostignutom nivou	Institucije nauke i kulture od značaja za Bosnu i Hercegovinu	1.000.000,00

**Svrha programa:**

Podrška institucijama nauke i kulture od značaja za Bosnu i Hercegovinu, kroz podršku programima i projektima naučnog karaktera kojima se osigurava kontinuitet njihovog rada i održavanja djelatnosti na dostignutom nivou.

**Izvori sredstava:**

Budžet Federacije Bosne i Hercegovine za 2020. godinu („Službene novine Federacije BiH“, broj 99/19).

**Kriteriji za raspodjelu sredstava:**

- naučni i društveni značaj institucije vezan za cijeli prostor Bosne i Hercegovine;
- kontinuitet rada, tradicijska osnova i naučna referentnost institucije;
- postignuti rezultati institucije na državnom i međunarodnom nivou u prethodnom periodu;
- mogućnost uspostavljanja trajnih veza i saradnje sa domaćim i stranim naučnim ustanovama i naučnim radnicima;
- plan programskih aktivnosti institucije u narednom periodu, koje će imati dugoročni učinak na oblast nauke od značaja za BiH, odnosno očekivani doprinos razvoju i širenju naučne misli i naučnih istraživanja.

Finansijska sredstva za program pod rednim brojem 1. dodjeljivat će se na prijedlog posebno formirane komisije i stručnog kolegija, a nakon provedenog javnog poziva. Sa korisnicima sredstava federalna ministrica obrazovanja i nauke će potpisati posebne ugovore o realizaciji dodijeljenih sredstava, kojim će se regulirati način i rokovi utroška sredstava i izvještavanje.

**8. PROGRAM RASPODJELE SREDSTAVA TRANSFERA ZA FONDACIJU ZA MOBILNOST STUDENATA I NASTAVNIKA U IZNOSU OD 230.000,00 KM**

R.br.	Naziv programa	Korisnik sredstava	Visina sredstava
1.	Sufinansiranje Fondacije za mobilnost studenata i nastavnika Federacije BiH	Fondacija za mobilnost studenata i nastavnika Federacije BiH	230.000,00

**Svrha programa:**

Poboljšanje kvaliteta visokog obrazovanja i približavanje europskom prostoru visokog obrazovanja kroz podršku projektima međunarodne razmjene i mobilnosti studenata i nastavnika.

**Izvori sredstava:**

Budžet Federacije Bosne i Hercegovine za 2020. godinu („Službene novine Federacije BiH“, broj 99/19).

**Kriteriji za raspodjelu sredstava:**

- Sredstva se dodjeljuju na osnovu Odluke Vlade Federacije BiH o osnivanju Fondacije za mobilnost studenata i nastavnika Federacije Bosne i Hercegovine, V.broj: 611/2017, donesene 27. 4. 2016. godine („Službene novine Federacije BiH“, broj 34/17);
- Sredstva doznačena Fondaciji za mobilnost studenata i nastavnika Federacije Bosne i Hercegovine (u daljem tekstu: Fondacije) trebaju omogućiti podršku realizaciji ciljeva utvrđenih Odlukom o osnivanju;



- Fondacija će dodjeljivati sredstva prvenstveno na osnovu dostavljenih lista CEEPUS razmjene dostavljenih od strane Ministarstva civilnih poslova BiH te drugih programa utvrđenih Programom rada za 2020. godinu;
- Fondacija, odnosno njen Upravni odbor, dužna je donijeti program rada i finansijski plan za 2020. godinu, na koji saglasnost daje Vlada Federacije BiH;
- Nadzor nad korištenjem i raspodjelom sredstava Fonda vrše Federalno ministarstvo obrazovanja i nauke i Federalno ministarstvo finansija.

## 9. NAČIN I ROKOVI IZVJEŠTAVANJA KRAJNJIH KORISNIKA SREDSTAVA TEKUĆIH TRANSFERA UTVRĐENIH BUDŽETOM FEDERACIJE BOSNE I HERCEGOVINE ZA 2020. GODINU

9.1. Sa korisnicima sredstava, zavisno od karaktera programa ili projekta, federalna ministrica obrazovanja i nauke će potpisati posebne ugovore o realizaciji dodijeljenih sredstava, kojim će se regulirati način i rokovi utroška sredstava i izvještavanje.

9.2. Izuzetno, Federalno ministarstvo obrazovanja i nauke može, na osnovu opravdanog zahtjeva korisnika, produžiti rok realizacije pojedinog projekta, koji je određen u ugovoru.

9.3. U slučaju da Federalno ministarstvo obrazovanja i nauke odobri produženje roka realizacije jednog ili više projekata, sa korisnikom sredstava bit će sklopljen aneks na ugovor.

9.4. Korisnik sredstava tekućih transfera obavezan je dodijeljena sredstva utrošiti namjenski i u roku propisanim ugovorom iz stava 9.1. tačke I ove odluke, te podnijeti izvještaj o namjenskom utrošku sredstava i ostvarenim efektima ulaganja u roku od 15 dana od dana realizacije sredstava.

9.5. Rok za realizaciju dodijeljenih sredstava tekućih transfera, u pravilu teče od dana uplate sredstava na račun korisnika sredstava.

9.6. Finansijski dio izvještaja mora sadržavati obavezno sljedeće podatke, sa priloženim dokumentima: ukupno ostvareni prihodi za realizaciju projekta sa iznosima za učešće svih sufinansijera, uključujući i vlastito učešće te evidencija ostvarenih troškova vezanih za realizaciju projekta s kopijama vjerodostojnih finansijsko-računovodstvenih i ostalih dokumenata na osnovu kojih su izvršena plaćanja.

9.7. Federalno ministarstvo obrazovanja i nauke će pratiti namjenski utrošak sredstava iz tačke I ove odluke.

9.8. Ukoliko korisnik sredstava blagovremeno ne dostavi izvještaj o utrošku sredstava ili se utvrdi da je sredstva utrošio nenamjenski, isti je dužan izvršiti povrat sredstava na JRT.

9.9. Nadzor nad namjenskim utroškom sredstava tekućih transfera dodijeljenih za finansiranje/sufinansiranje naučno-istraživačkih i istraživačko-razvojnih projekata vršit će Savjet za nauku i Federalno ministarstvo obrazovanja i nauke. Finansijski izvještaj o realizaciji naučno-istraživačkog i istraživačko-razvojnog projekta sa računovodstveno-finansijskog aspekta pripremit će Federalno ministarstvo obrazovanja i nauke. Izvještaj o realizaciji programa istraživanja i postizanju utvrđenih ciljeva, odnosno ocjena naučnog sadržaja izvršenog istraživanja u pogledu originalnosti, aktuelnosti, kvalitet istraživanja, vrijednosti dobivenih rezultata naučno-istraživačkog i istraživačko-razvojnog projekata pripremit će Savjet za nauku Federalnog ministarstva obrazovanja i nauke.

## **II**

Sredstva utvrđena u Programu iz tačke I ove odluke raspoređivat će se prema kriterijima za raspodjelu sredstava po tekućim transferima utvrđenim za svaki program posebno.

## **III**

Za svaki izdatak iz tekućeg transfera, federalna ministrica obrazovanja i nauke donosi odluku na način kako je to propisano u tački I ove odluke.

## **IV**

Federalno ministarstvo obrazovanja i nauke će podnositi izvještaje o utrošenim sredstvima Federalnom ministarstvu finansija, u skladu sa Zakonom o izvršavanju Budžeta Federacije Bosne i Hercegovine za 2020. godinu.

## **V**

Ova odluka stupa na snagu narednog dana od dana objavljivanja u „Službenim novinama Federacije BiH“.

V.broj: 167/2020

Sarajevo, 06.02. 2020. godine

**P R E M I J E R**

**Fadil Novalić, s.r.**